



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 3. Quando & quomodo animæ iudice[n]tur.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

27
Quatuor
obiectio-
nes.

Dices Primo: Anima in Purgatorio non vident Deum, nec amant necessario: ergo possunt peccare. Patet consequentia, quia haec est ratio, cur Beati non possint peccare.

Secundò, Istae animæ fugiunt poenas, quas tam Deus vult illas pati: ergo peccant.

Tertiò, Adhuc sunt in via, cum nondum comprehendenterint: ergo possunt mereri & demereri.

Quartò, D. Augustinus dubitat, an adhuc afficiantur rebus terrenis inordinate. Vide illum libro 21. de Ciuit. cap. 26.

Solunur. Respondeo ad Primum: Etsi illæ animæ non videant Deum, nec etiam ament necessario quod ad exercitium actus, ac proinde nec ab intrinseco sint impeccables, sicut Beati; ab intrinseco tamen habent, quod peccare nequeant, nempe à diuinâ protectione: *In fororum enim anime in manu Dei sunt, & non tangit eos tormentum mortis.* Sap. 3. quod fit, ut nullos etiam motus prauos sentiant.

Ad Secundum: Abhorrent à pœnis quatenus sunt contraria naturæ, sicut & Dominus abhorruit; quæ fuga non est peccatum, sed naturalis & innoxius motus. Amant tamen quodam modo suas poenas, quatenus à diuinâ iustitia infliguntur; quia amant diuinam iustitiam, siveque refugiant ad patientem id, quod Deus vult eas pati.

Ad Tertium: Non sunt amplius in via, si statim merendi spectes; sed sunt in termino, etsi nondum præmium acceperint: sicut transacto tempore certaminis non potest aliquid cursu, vel luctu obtineri, quamvis præmia nondum sint distributa.

Ad Quartum: Certum est, in illis nullos amplius esse inordinatos affectus & motus erga res humanas: nam clare vident illarum rerum vanitatem & noxam. Quod probatur, quia aliqui essent in illis veræ tentationes & incitamenta peccandi, quæ D. Augustinus negat in illis esse post hanc vitam: patet c. 14. de Prædestinatione Sanctorum. Possunt tamen secum deferre aliquas prænas affectiones habituales, sed illæ mox per contrarios motus corriguntur, vt alibi dictum.

DVBIVM II.

Virum anime iste sint certa de sua salute?

28
Quidam
negant.

Lutherus artic. 38. vult quasdam saltem esse incertas. Idem etiæ tenerunt quidam Catholici, eò quod existimarent, omne peccatum ex natura sua esse mortiferum, & mereri mortem æternam, solumque esse veniale ex misericordia Dei.

Verior sententia affirmatur. Probatur Primo: Quia contraria sententia est damnata, primum quidam à Leone X. in Lutherro, deinde à Pio V. & Gregorio XIII.

Secundò: Quia Concilium Florentinum definit, eas animas quæ habent culpam letalem, statim damnari: atqui illæ animæ quæ sunt in Purgatorio, vident se non esse damnatas: ergo agnoscunt se non habere culpam letalem: præterea certè norunt ex fide, cum qui non habet culpam letalem vel originalem, post hanc vitam non posse damnari: ergo certæ sunt, quod non possunt damnari. Quod autem videant se non esse damnatas, Probatur: quia vident se non blasphemare Deum, quod est dammatorum, sed amare & laudare illum, ac patienter ferre supplicia.

Tertiò: Quia in Canone Ecclesia dicit, eas dormire in somno pacis, & quiescere in Christo, ubi per somnum & quietem significatur illa securitas & solatium, quod habent ex certitudine sua salutis. Quod si essent incertæ, essent inquietissimæ, summeque anxiæ.

Quartò: Quia sciunt qualia sint opera quæ fecerunt, bona an mala, venialia an mortifera: ergo sciunt se non posse damnari. Antecedens patet Ecclesiastici 11. vers. 29. *In fine hominis denudatio operum ipsius;* id est, cuius in fine denudantur opera sua; quod etiam est necessarium, ut intelligent, quā iusta sit retributio. Denique, quia certum est, eas statim post mortem iudicari.

Dices: Si animæ illæ sint certæ de sua salute, cur orat Ecclesia, vt Deus liberet eas de pœnis inferni, de profundo lacu, & ne absorbeat eas tartarus, nec cadant in obscurum?

Respondeo: Ecclesia solùm intendit his verbis orare, vt à pœnis Purgatorij liberentur. Utitur autem tali modo loquendi, quasi animæ illæ essent in periculo damnationis; tum ad excitandum maiorem affectum in fidelibus ad orandum pro illis; tum etiam, quia representat diem obitus. Sicuti in Adventu Ecclesia sic orat, ac si Christus iam deberet nasci, *Rorate cali defuper, & nubes pluat in Ihesum.* Quod etiam facit in alijs Festis: representat enim illa mysteria, vt præsentia vel instantia, ad affectum excitandum. Tamen non intendit aliud, quām vt fructus nativitatis, passionis, & aliorum mysteriorum nobis applicetur. Pari modo hic non intendit aliud, quām vt animæ liberentur à pœnis, eo modo, quo liberari possunt; nempe vt non detineantur, vel certè vt mitiū cum illis agatur.

DVBIVM III.

Quando, & quomodo anima indicentur?

Respondeo & Dico Primo: Indicantur in primo instanti, quo sunt separatæ à corpore, vel certè post primum instantis mortis, si tale instantis detur.

Probatur Primo: Quia nulla est ratio, cur hoc iudicium differatur. Neque enim credibile est, animas in celum ante Christi conspectum deduci, vt ibi indicentur (aliqui enim postea debent redire ē celo ad supplicia.) Præterea, hoc iudicium fit in instanti: nam nihil est aliud, quā locutio quadam spiritalis, quā Deus, vel Christus ipse vt homo, manifestat animæ spiritaliter suam sententiam; quæ manifestatio fit per spiritalē locutionem, quā nulla locorum intercapitulo potest impedi.

Probatur Secundò: Ecclesiastici 11. vers. 28. *Facile est coram Deo in die obitus retribuere vnicuique vias suas.* Hic significatur, in ipso momento obitus (id enim significat, *in die obitus,*) animas iudicari, ijsque præmia vel supplicia à Deo iudica decerni. Illud enim, *Facile,* non significat, Deum facile posse, si velit, sed absolute tribuere: si enim non tribueret de facto, non rectè Sapiens hoc argumento hortaretur homines ad beneficendum.

Dices: Interdum animæ videntur iudicari ante mortem. Colligitur ex Gregorio Dialog. lib. 4.

Ddddij cap. 382

29
Indicantur
in primo
instanti que
separatæ
sunt à cor-
pore.

Obiectio, cap. 38. vbi dicit quendam Chrysaorium ante mortem vidisse damnationis sua sententiam. Similia refert Beda lib. 5. Hist. Angl. cap. 14. & 15. Interdum videtur differri iudicium aliquamdiu post mortem, vt patet de isto Doctore, cuius fit sententia in vita S. Brunonis.

Respondeo: Nunquam iudicantur ante mortem, quia nondum sunt in termino; unde possunt mutari. Permitit tamen interdum Deus, vt propter peccata sua incident in desperatione, & tunc videantur sibi damnati. Post mortem autem non differtur sententia, nisi sint excitandi ad vitam: & credibile est, Doctorem illum ab initio iudicatum fuisse, quamvis per huiusmodi interwalla ad hominum instructionem sic apparuerit.

Dico Secundò: Etsi non sit certum, vtrum Christus ut homo sententiam ferat: valde tamen est probabile quod Christus post suā resurrectionem, vel etiam post instans suae mortis, hanc sententiam ferre ceperit.

Prior Pars Probatur: Nam Scripturæ, quibus Christus dicitur *Iudex viuorum & mortuorum*, facile possunt de iudicio generali intelligi: & aucto Christi Incarnationem etiam particulare iudicium in morte cuiusque exercebatur, idque per solam diuinitatem.

Altera Pars Probatur: *Data est mihi omnis potestas in celo & in terra*: ad quam potestatem videretur maximè pertinere potestas iudicaria. Quid autem statim hanc ceperit exercere post mortem, ex eo cōfirmari potest, quod animas Patrum beatas efficerit.

Dico Tertiò: Vtrum animæ, dum iudicantur, Christum videant, est etiam incertum. Probabile tamen est videre; quia id facile fieri potest: & valde est consentaneum, vt cernant suum Iudicem, vel ad solatium, vel ad terrem. Tenet hoc Innocentius III. de Contemptu mundi lib. 2. cap. 43. Quamvis non sit credibile, quod omnibus appearat in forma Crucifixi, vt ipse existimat.

Dico Quartò: Latè sententiâ, si anima est omnino pura, statim deducitur ad celos ab Angelis; vt colligitur Luca 16. vbi anima Lazari dicitur portari ab Angelis in sinum Abrahæ. Idem significatur in precibus Ecclesiæ, quæ morientibus recitari solent. Posset tamen anima facilè per se ad celum euolare; quia lumine gloriæ illustrata non valet à dæmonie impediri.

Quod si anima sit impia, statim rapitur à dæmonibus, tanquam iustitiae diuinæ ministris, ad inferos; sponte enim nunquam eò concederet. Vide Cyrill. orat. De exitu anime.

Si est purganda, probabile est, sponte quidem concedere ad locum supplicij, eò quod intelligat, eam esse Dei voluntatem: valde tamen credibile est, ab Angelis eò deduci, saltem à suo Custode, qui eam solet, vt colligere est ex multis visionibus apud Bedam, & alios.

D V B I V M . I V .

Vtrum anima possint egredi è suis receptaculis?

Dico Primo: È celo posse egredi animas Beatorum. Docet expressè B. Hieronymus Dialogo contra Vigilantium: *Si Agnus ubique, ergo & hi qui cum Agno sunt, ubique esse credendi sunt.*

Et cum diabolus ac dæmones toto vagentur in erbe, & Anima B. 2. celeritate nimia ubique presentes sint, Martyres postea porr̄ effusionem sanguinis sui arcā operientur inclusi, & inde egressi exire non poterunt? Nec obstat quod D. Augustinus lib. De cura pro mortuis habenda cap. 13. contrarium sentire videatur: quia loquitur iuxta naturam cursum, vt D. Thomas illum exponit in dist. 45. quæst. 1. art. 1. quæstionula 3. nempe, quia earum status multum discrepat a statu viuentium in corpore; unde postulat, vt rebus viuentibus non interfici, saltem crebro: neque aliud argumenta D. Augustini probant.

Vtrum autem aliqua anima in celo existens aliquando reuocata sit ad hanc vitam mortalem, tunc aliud dubium est. Quidam affirmant propter historiam aliquam, quam refert S. Gregorius lib. 1. Dialog. cap. 10. de quodam Marcello viro bono reuocato ad vitam à B. Fortunato Episcopo.

Sed probabilius videtur contrarium cum Soto dist. 45. quæst. 1. art. 4. Tum, quia visio beata Melius est, tifica est vita æterna, quæ non potest inquam absumpi, præfertim in celo, quod æterna vita propriæ est destinatum. Cur enim datur vita æterna, si statim debet auferri, & reuocari ad vitam mortalem? Tum, quia summi boni iam posselli detracatio censeretur meritò, non beneficium, sed ingens tormentum, cum tamen excitatio ad vitam sit beneficium. Tum denique, quia non omnes essent secura de bono quod obtinent, si inde possent ad vitam reuocari.

Ad locum Gregorij Respondeo: Solùm ibi dici, Matrem in locum bonum deductum suffice. Quod autem Gregorius addit, illum non perdidisse locum, quem accepereat; sic intellige: quia potest bene viuendo confecutus est meliorem.

Dico Secundò: È Purgatorio sine singulari Dei dispensatione ante debitam expiationem egredi non possunt. Ratio est, quia sunt ibi iussu Dei tanquam in carcere. Interdum tamen Dei permisso egrediuntur, vt viuorum suffragia implorent; vt constat plurimis exemplis. Interdum etiam ex Purgatorio sunt excitatae ad vitam: nam Prophetæ & Christus Dominus excitârunt multos fideles, qui ante Christi mortem erant vel in Purgatorio, vel in Limbo. Apostoli quoque & reliqui Sancti multos alios excitarunt, è quibus credibile est multos in Purgatorio fuisse.

Notandum autem: Etsi valde credibile, omnes istos fuisse confirmatos in gratia per omnem vitam, ita vt non possent amplius à salute excidere. Docet Sotus dist. 45. quæst. 2. artic. 1. & quæst. 1. artic. 4. Ratio est, quia aliqui maximo suo incommodo fuissent excitati, quia erant certi sue salutis, quam certitudinem amiserint.

Dico Tertiò: Ex inferno non possunt ullo modo egredi sine singulari dispositione Dei; quæ tamen aliquando quibusdam concessa est, vt hominibus ad terrem, & vitæ emendationem apparet: vt multis exemplis constat.

Vtrum autem aliqua anima ab inferno sint reuocatae, quæstio est. Quidam affirmant ob exemplum quod refert Gregorius lib. 1. Dialog. cap. 12. & quia ex probatis Auctoribus constat, multos Ethnicos esse ad vitam reuocatos; vt patet de filio præfecti Sempronij, qui à diabolo necatus fuerat, quod vellet S. Agnetem violare, quem ipsa virgo à morte excitauit, vt refert Ambrosius serm. 90.

Verum